



XALQ DEPUTATLARI SURXONDARYO VILOYATI KENGASHINING QARORI

Termiz shahri, At-Termiziy ko'chasi 1-uy. 190100, tel: (76) 224-12-30, (76) 224-03-94), (76) 221-74-81)

2021 йил «14» июль

VI-31-41-8-0-K/21

Сурхондарё вилояти ҳокимлиги

2021 йилда “Ёшларни қўллаб-қувватлаш ва аҳоли саломатлигини мустаҳкамлаш йили”да “Темир дафтар”га киритилган оилалар билан ишлаш, эҳтиёжманд оилаларни қўллаб қувватлаш юзасидан олиб борилаётган ишлар бўйича Сурхондарё вилояти Иқтисодий тараққиёт ва камбағалликни қисқартириш бош бошқармаси бошлиғининг биринчи ўринбосари ҳисоботи тўғрисида

Худудларда эҳтиёжманд оилаларни қўллаб қувватлаш, “Темир дафтар”га киритилган оилалар билан ишлашни жадаллаштириш, аҳоли бандлигини таъминлаш, вилоятда камбағалликни қисқартириш масаласида Сурхондарё вилояти Иқтисодий тараққиёт ва камбағалликни қисқартириш бош бошқармаси бошлиғининг биринчи ўринбосари Э.Авазовнинг ҳисоботини инобатга олиб, халқ депутатлари Сурхондарё вилояти Кенгаши **қарор қилади:**

1. Худудларда эҳтиёжманд оилаларни қўллаб қувватлаш, “Темир дафтар”га киритилган оилалар билан ишлашни жадаллаштириш, аҳоли бандлигини таъминлаш, вилоятда камбағалликни қисқартириш масаласида Сурхондарё вилояти Иқтисодий тараққиёт ва камбағалликни қисқартириш бош бошқармаси бошлиғининг биринчи ўринбосари Э.Авазовнинг ҳисоботи маълумот учун қабул қилинсин.

2. Сурхондарё вилояти ҳокимининг ўринбосари Ф.Таиров ҳамда Термиз шаҳар ва туманлар ҳокимлари эҳтиёжманд оилаларни қўллаб қувватлаш мақсадида Термиз шаҳар ва туманларда “Маҳалла ҳайрия жамоат фонди” ҳузурида ташкил этилган “Саховат ва кўмак” жамғармаларига зарур маблағларнинг шакллантирилишини таъминласин.

3. Туман ҳокимлари ҳамда сектор раҳбарлари ғалладан бўшаган ерларга такрорий экин экиш истагини билдирган “Темир дафтар”даги эҳтиёжманд оилаларга ер майдонлари ажратилишини ҳамда дастлабки харажатларини “Саховат ва кўмак” жамғармаси маблағлари ҳисобидан қоблап берилиши бўйича зарурий чораларни кўрсин.

4. Термиз шаҳар ва туманлар ҳокимлари, сектор раҳбарлари “Темир дафтар”га киритилган аммо ёрдам кўрсатилмаган оилаларга белгиланган тартибда ёрдам кўрсатиш ҳамда “Темир дафтар”га киритиш масаласида мурожаат қилган оилаларни оилавий шароитини ўрганиб, уларга амалий ёрдам бериш чораларини кўрсин.

5. Термиз шаҳар ва туманлар ҳамда сектор раҳбарлари бир ой муддатда “Темир дафтар”дан чиқарилган, аммо бугунги кунда етарли даромад билан таъминланмаган, “Темир дафтар”дан чиқарилганлигидан хабари йўқ ва норозилигини билдирган оилаларни “Темир дафтар”га қайтадан киритиш ҳамда сектор раҳбарлари томонидан доимий равишда манзилли кўмак кўрсатиб бориш ҳамда доимий бандлигини таъминлаш чораларини кўрсин.

6. Сурхондарё вилояти Бандлик бош бошқармаси (С.Жумаев), Термиз шаҳар ва туманлар ҳокимлари, сектор раҳбарлари биргаликда жорий йилнинг III чорагида “Темир дафтар”га киритилган, меҳнатга лаёқатли ишсиз, ишга жойлаштирилмаган 217 нафар фуқаролар бандлиги таъминлаш ҳамда касб-ҳунарга ўқиш истагини билдирган 193 нафар фуқароларни касб-ҳунарга ўқитиш бўйича белгиланган тартибда зарурий чораларни кўрсин.

7. Сурхондарё вилояти Иқтисодий тараққиёт ва камбағалликни қисқартириш бош бошқармаси бошлиғининг биринчи ўринбосари Э.Авазов, вилоятдаги барча сектор раҳбарларига бир ой муддатда парандачиликни ривожлантириш учун “Темир дафтар”га киритилган оилаларга тарқатилган “Инкубатор” жиҳозидан унумли фойдаланиш бўйича турли семинарлар ташкил этиш вазифаси юклатилсин.

8. Юқорида белгиланган вазифалар ижроси юзасидан тегишли мансабдор шахслар томонидан ҳар ой якунида халқ депутатлари Сурхондарё вилояти Кенгашига ёзма ахборот киритиб борсин.

9. Ушбу қарорнинг ижросини назорат қилиш халқ депутатлари вилоят Кенгашининг Маҳаллий бюджетни шакллантириш ва ижро этиш, иқтисодий ислохотларни амалга ошириш ҳамда тадбиркорликни ривожлантириш масалалари бўйича доимий комиссияси (И.Ёқубов) зиммасига юклансин.

10. Мазкур қарор қабул қилинган кундан эътиборан кучга киради.

Кенгаш раиси



Bobolov T.A.